

Chovinyi de Payerna

Autor(en): **Currat, Albin**

Objektyp: **Article**

Zeitschrift: **L'ami du patois : trimestriel romand**

Band (Jahr): **21 (1993)**

Heft 84

PDF erstellt am: **20.09.2024**

Persistenter Link: <https://doi.org/10.5169/seals-243084>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern. Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden. Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Pages tribourgeoises



CHOVINYI DE PAYERNA

Tchinta bala fitha ke chtou dzin dè la Brouye no j'avan inkotchi lè 25 è 26 dè chaptanbre dêri.

Le dechando du-midzoua, no chin jou bin rèchu din ouna vela tota botchatâye è dèkorâye kemin chè dê po lè gran dzoua.

A la granta châla, lè viyo mithi èran a l'anà, le trèthe-vuji è la trèthiàja dè paye, koudèyivan la felàja ou brego è a la kenoye. Di dzin chuti è avinyin k'irè on pyéji dè vère è d'oure.

Apri ouna galéja marinda, di tsantèri dè parto l'an animâ la vèya din le Paté dè lou kotse, ma chuto, Lè Yerdza, le kà mikchet di Patêjan dè la Yanna no j'an intrètsantâ dè lou balè tsanthon, kan l'an tsantâ, In Pyan Rochè, ke trè cholido j'armayi, l'an rèprè tsakon ouna kobyà adon ke to le kà rèprinyè le redzingon, mé d'on dè no la chintu on frethon, dè chè trovâ kemin din la yê avoui lè pi chu têra.

La demindze dèvan goutâ, din chi tan bi Mothi Reman, viyo dè gayâ mile j'an, apri ou n'ofitho ke fajé po lè duvè relidyion, a la mujika di grantè j'ouârgè frètsè ratinyètè, chon jou bayi lè pri i j'ôteu in paté è nomâ lè mantinyârè.

Apri chin no chin jou goutâ a la kantina animâye dè tsanthon è pa kotchè j'orateu.

Ma le hyou dè la fitha irè le kortéje dou du-midzoua, k'irè gran è bi. Lè Patêjan dè la Grevire, l'avan promè dè portâ hô è fyêrtamin lè kolà dè lou bala Kontâ, no j'an tinyè parola, dêri la banyère, on tropi dè tchakè nèrè inrimâyè dè djija, le mulè bâtâ è chtrubâ, le tsé bleu dou trin dou tsalè, menâ dè man dè mètre pa nouthon n'èmi Bernard Bovet, dèkouthè li, la bochère dè la chochyètâ, Alodie Gatsè chon piti fe dè nou mê chu lè dzènà, in bredzon, tan galé.

Dêrè, le tsé di fre to t'inrubannâ avoui outoua di fèmalè ke bayivan di tsapyon dè grevire i chpèktateu, adon ke le grô dèla tropa di minbro dè la chochyètâ kotâvan la mârtese.

Le kà in fitha, a la tsejya dè la né, tsakon chè ramachâ intche-li intrètsantâ d'avé pachâ ouna bala fitha.

Albin Currat , chekrètèro di Patêjan dè la Grevire